

Pworous seni ewe Oregon OSHA me OHA won ekkewe pwonupwonun aaw me pwot iter N95, KN95, me P100

Ion aramas epwe nomw nukun imw epwe ekiem an epwe aea ekkewe pwonupwonun aaw me pwot an epwe anisi ne tumwunuw emunun seni ewe otuwotun watten kar. Ekkewe pwonupwonun aaw me pwot mei tongeni forata an epwe wor osukosuken emon ika pwe ese pwung ngeni met sokkun emon epwe aea, ese pwung ukukun me aean. Mei wor ekkoch mettoch kopwe sinei ika pwe en mi ekiem kopwe aea pwonupwonun aaw me pwot:

- Ukutiw omw kopwe aea ekkewe pwonupwonun maas ren surgical, bandana, me pwan ekkoch sokkun pwonupwonun aaw me pwot. Ekkei rese mwo pwano pwe ir mei anisi ne eppet efiengawen ewe otuwot.
- Mei wor ekkoch sokkun pwonupwonun aaw me pwot mei anisi ne eppet efiengawen otuwot. Ir mei wor koukun aear nupwen emon epwe ekiem an epwe aea ekkei.
 - Chon aea repwe finieochu ewe pwonupwonun aaw me pwot mei ukukoch ngeni an epwe aea pun epwe tongeni eppet won mesan. Ewe Pekin Angangen Tumwunun Saamwau mei awora osukunen me anis ren [aean ekkewe mettoch sikan pacheta won awach me pwotuch an epwe eppet ach sipwe ngaseri otuwot](#).
 - Koukun an epwe fat ukukun ekkena sokkun pisekin eppet ach sipwe ngaseri otuwot epwe tes pun epwe fat ika asepan ese tongeni epwe tonong me nepekin. Ika pwe mei wor asepan mei tonong wewen pwe ewe otuwot mei chok tongeni tonong.
 - Enisen emon mei tongeni epwe fori an esapw maseoch ewe mask.
 - Angangen tumwun epwe wor ren kefinin ewe sokkun pwonupwonun maas itan “particulate respirator” mei esisin ngeni ewe fos “NIOSH” me pwan “N95” ika “P100” an epwe mak won.
 - Ekkewe N95 respirator mei eppet seni sokkun menuun non asepan mei wor non otuwot, rese eppet seni ewe chon aea ekkewe sokkun asepan mei efiengaw mei nomw non en otuwotun ekkei mei watte.

- Ika pwe mei pacheta ewe KN95s [noun ewe FDA-taropwen mutata](#) - me mei pung koukun me aean - iwe ewe Oregon OSHA mei nukuw, non ewe mettoch mei fis, pwe ir mei tongeni repwe aea ren angangen nukun ika pwe ewe Air Quality Index ese eochun an emon epwe ngaseri ika fen ngaweseni.
 - » Aean ekkew respirator esapw-NIOSH mei tongeni epwe efisata ekkoch metoch repwe nenengeni fan iten an atai ewe onnukun aean. Ewe Oregon OSHA ese atou ekkei sokkun metoch ar repwe nenengni, non ei fansoun mei wor ei osukosuken otuwot ren watten kar. Me pwan N95smei chiwen chok fokkun weires kaworan, non ei fansoun state mei wor ren ekkewe KN95 ren ar repwe eineti ngeni chon angang mei muttir epwe torir samwaau nge ir mei chok ururun pwe repwe wareiti angang.
 - » Ion mei chiwen wor an kapas eis ren fan iten pwonupwonun aaw me pwot ir mei tongeni repwe kokori ar kewe nenien angang, ika Oregon OSHA won <http://osha.oregon.gov/>.
- Ion aramas mei-wor an samwaau mei pusin nonnow won repwe kokori nour kewe dokter, me mwen repwe aea ewe N95 ika P100 respirator. Ewe chon aea epwe tongeni mefi weiresin an ngasangas nupwen epwe aea ewe pwonupwonun aaw me pwot. Ekkwe ir mei wor ar semwenin ngasangas me emmun epwe kon weires ngenir ar repwe ngasangas.
- Ese wor saisin semirit ren ekkewe sokkun respirator mei tongeni epwe eppet menuun non asepanin otuwot mei efeiengaw.

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, aweve ren fosun ekis, epwe mesemong ekkewe mak, ika usun noun ekkewe mei chuun. Kokkori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhsosha.state.or.us.